

兩浙名賢錄

兩浙名賢外錄卷之四目次

空空

隋

法應

慧實

任力

大志

道威

智暉

智越

波若

法彥

智操

真觀

慧因

慧璧

道齊

法智

唐

法敏

法說

慧持

智觀

義褒

惠明

禮宗

印宗

玄覺

玄策
附

慧忠

神邕

智慧

文綱

道岸

玄儼

德秀

大光

神智

慧海

法海

智威

慧威
附

玄朗

慧明

子瑀

乾峯

道光

守直

曇一

濟齡

如隱
附

辯秀

惟實

未養

明淨

齊一

靈默

法常

智藏

惟寬

藏真

玄覽

稠錫

惟則

鑒宗

洪謹附

道悟

法相

三平和尚

少康

天然

文舉

道遵

豐干

寒山

拾得

靈祐

道欽

圓修

如訥

良价

法明

湛然

船子和尚

韜光

會通

景欣

圓澤

道幽

文遠

惠符

神暄

玄宗

元慧

崇惠

允文

慧聞

澄觀

一行

兩浙名賢外錄卷之四月次終

兩浙名賢外錄卷之四

東海徐象梅仲和氏誤

武林宋守一化鄉氏闕

空空

隋 共一十五人

法應

法應姓王氏會稽人弱冠出家事沙門曇崇學宗禪業
崇公定業既深備蒙印可徒衆五百僉委維持教授獎
擢允開衆望開皇十二年勅令搜簡三學業長者海內

通化崇於禪。濟選得二十五人。其中行解最高者。應爲之長。勅城內別置五家。各使一人教習。領徒三百於寶塔寺相續傳業。四事供養。金出有司。仍造經一藏。躬親受持。應素無所患。忽云。吾今將逝。已有香花見迎。言訖。合掌端坐而逝。世壽八十。

慧實

慧實。潁川許氏子也。少出家。志敦幽尚。遍履名山。梁末遊步天台。綜習禪業。入房閉戶。山卽蕩門。衣鉢隨身。惟

餘。其述狀世者。道十餘年。貴尚頭陀。恒居冥默。自

少及終。歸不親物。雖形衰年積。而清苦之志。老而彌篤。
卒年九十有六。

住力

住力。錢塘人。青年雉染。卽任繕造之功。宜導四部。以相
波爲第一。乃建餘閣。貯優曇王像。陳蒙勅慰。精室。凡
焚身以留像。閣火滅。合掌凝然。閣非無恙。像亦旋歸。其
部人天。無不欽住力之捨身。佛法言者。無不泣下。虞夏
與世南爲之碑記。

大志

大志會稽人幼事天台智者誦法華經索然閒靜音聲
清轉應者忘疲後於廬山甘露行頭陀行有時投身猛
獸悉皆避去食粒若盡惟飲澗水續命而已如是七載
禪誦不休會大業中屏除佛教慨大法凌遲遂身著草
衣於佛堂中慟哭三日晉捨形骸申明正教卽往東都
上表曰願陛下興隆三寶貧道當然一臂於嵩岳用報
國恩帝許之遂設大齋士衆通集志絕糧三日登大柵
中布裹其臂灌之以蠟如炬然之光照岩岫晃然大明
衆見苦行痛入心髓面忘形色不變或誦經文或讚佛

德成爲衆說法聲聲不絕燒已下榻踞入定七日而
後卒。

道成

道成字明範姓陶氏丹陽人少而入道住永嘉崇玄寺
事式法師爲弟子儀貌瓌美奇姿拔衆羣伍目曰神童
具戒之後學超儕輩數論毘曇染神便悟大同初開講
京師意樹心花增暉且曜析理質疑聽者忘倦學士慕
藏法祥等並遊方講說法輪常轉傳茲後談利益弘多
卒年六十有八停龕旬日合掌端坐如生窆日香氣勃

發結爲紫雲，停如華蓋，覩茲靈瑞者，無不傾歎。

智晞

智晞，潁川陳氏子也。童稚卽有出塵之志，稍長，從智者薙落，稟受禪訣，加修寂定。如抹頭焚道力所持，至感山靈捨木，漁師斷筴，一切舍靈，盡歸安養。時有弟子道巨，在房誦經，忽覩一異僧，身着納衣，手持錫杖，形神爽俊，從外而來，相去二十餘步，纔入路，東隱而不見。俄聞東山聲鍾，大音震谷，晞云：噫，喚吾歸去也。遂命香湯澡浴，合掌而逝。窻龕在智者埵前二百餘步。

智越

智越臨海人。受業智者大師。嘗誦法華經。瓶水自盈。居
露山精舍。行法華三昧。人天瞻仰。大業十三年。終國清
寺。茶毘。舌根不毀。色紅嫩如初蓮。出水。四衆歎異。以爲
誦經之驗。

波若

波若未詳氏族。高句驪人也。陳世歸國。在金陵聽講。深
解義味。隋初游方學業。遂入天台。北面智者。求授禪法。
智者曰。汝於此有緣。宜湏幽栖。以成妙行。華頂是吾昔

日頭陀之所、山祗威猛、非大乘根性、不能安止、汝往彼
學道、當有弘益、無須慮衣食之不給也、波若承旨而往
習禪樹下、脅不親物、影不出山者、十有六年、一日忽下
到佛隴上寺、淨人見三白衣人、擔衣鉢以從、忽然不見
至於國清、語諸同意云、波若將歸故來、作別言訖、端坐
而逝、四衆送龕、山所出寺大門、迴鑿示別、雙目忽然開
明、至山仍閉。

法彥

法彥姓張氏、清河人、周朝滅法之年、避難投陳、遇智者、

於金陵隨還至台服膺請業授以禪那自是不停房舍
每處山間林樹之下專修禪寂三十年中常坐不卧數
有山祇變形撓試晏坐怡然不干其慮或時入定七日
方起具向師說所證法相師曰如法所說是背捨觀中
第二觀也卒於國清寺世壽六十有三

智珠

智珠清河人爲智者禪師高足遺行法華懺悔第二七
日初夜懺訖還就禪床如欲安坐乃見九頭龍從地湧
出上昇虛空明且誥白智者云此是表九導衆生聞法

華經將來之世破無明地入法性空爾後住寶林寺行
法華三昧至貞觀十二年示寂

真觀

真觀錢塘人字聖達生有奇相出家通經律論尋謁天
台智者禪師受禪觀開皇十五年於重隱山石室頭陀
冥坐衆建南天竺寺請師居焉是爲開山始祖師有雅
操文帝三徵秦王兩延皆以疾辭大業中因山行自標
葬地未幾示寂

慧因

慧因姓于氏，湖瑄人。晉太常寶之裔也。十二出家，事開善慧照法師，稍長，遍歷諸方，參求法要，造長干辯法師。專學三論，窮實相之微，言泓滿字之幽，旨寫水一器，音更於藍，辯後歸靜山林，便以學徒相委，受業弟子五百餘人。踵武傳燈，將三十餘載，遂感冥王遣迎說法，時經七夕，若起深定，謂經三月，其意該幽，顯行極感，通有如此。隋仁壽三年，起禪定寺，因是法門，龍象奉爲上座，講肅禪學，清穆僧倫，事等威權，同思啓旦。及唐運重，興佛日，選十大德，因當其一，以身御法，不令而行，後進具戒。

者無不稟其鵬磨。固定慧雨。明空有兼照。弘法四代常
顯一乘。而莫競物情。喜怒無色。故遊其道者。咸莫測其
位。云以貞觀元年卒於大莊嚴寺。世壽八十有九。弟子
等爲建支提壩塔。勒銘封樹。文則蘭陵蕭鈞所製也。

慧壁

慧壁姓弘氏。嘉興人在胎孕時。母聞腥卽噉。及生而母
輩便不食其乳。母如茹蔬。食乳如常。十七出家。流水音
稍壯。周遊訪道。無擇夷險。四論三經。咨詢賞要。學旣明
達。還止舊居。四方負笈。奉請者常數十百人。曉夕誨誘。

樂說無倦，背不着席四十餘年。老無久力，時憑筇几。性海淵泓，遊者莫測。第云不可思議大德而已。卒年七十一。

道齊

道齊錢塘人。母夢擎日月而生。幼入庠序，經籍淹通。及曾定天竺羣鹿馴擾，巨蟒驚獸，向之不動。講雜花經，雲地忽生雙蓮，山椒乏水，卓錫泉迸。四方緇素無不皈依，以爲慈氏下生也。

法智

法智者不詳何許人。髫年離俗，留心講肆。晚歲以逕直

之門莫如念佛。每謂人曰：我聞經言，犯一吉羅，歷一劫劫人於地獄，可信。又聞經說：一稱阿彌陀佛，減八十億劫生死重罪，則未之信。人難云：何故生大邪見，俱是佛言，急須念佛。又則三昧現前，乃於國清寺梵率臺上，晝夜動念佛，忽預舜道俗云：生西方去，令親識爲吾設齋。中夜無疾而逝，時有金色光明來迎，照數百里。江上船中謂言天曉，遲久方明，始知智之往生云。

唐 共一百一十九人

法敏

法敏丹陽人八歲出家事英禪師爲弟子入茅山聽明
法師三論悟其宗旨貞觀元年出還丹陽講華嚴涅槃
二年越州田都督追還一音寺相續法輪會稽士俗請
住靜林講華嚴經法音所動緇素雲湧正講之際忽有
蛇懸半身在敏頂上長七尺許作黃金色吐五色光終
講方隱復還一音夜有赤衣二人禮敏曰法師講四部
大經功德難量須往他方教化故從東方來迎法座弟
子數十人同見此相忽三日夜無故晦冥至期將逝忽
放大光夜明如晝因爾遷化

法說

法說錢塘人母夢吞珠而生遺形理性與山木爲羣嘗
登法座講經有光如紅縷漸大透空散作百道金光凡
在法席之下人天八部無不洞於心目所講之經如響
迦鳥音人耳者悉生歡喜四方學徒聞之雲集後示疾
涅槃異香經月不散弟子爲清涼國師

慧持

慧持姓周氏汝南人身長七尺色相光偉執持威儀不
妄迴盼時人目爲象玉持歷探三論鉤深窮遠兼善老

莊易史談玄之大寄言法理隋末避難越州住弘道寺
常講三論大品涅槃華嚴累年不絕閉影深山者將三
十載脚坐不卧苦鍊至終一日忽告弟子曰吾欲往他
方教化急作食及時至三下前食還房脚坐欽容而逝
弟子謂言人定至七日不起忽聞異香方知坐脫脚結
鏗然申而不解乃坐送大禹山玄素萬餘人悲歎相嗟
至於窆所世壽六十有八

智凱

智凱姓馮氏丹陽人父早亡六歲聽吉藏法師講法華

火宅品夜告母曰。經明火宅者。只我身耳。若我是火宅。我應燒人。既其不燒。明知無我。明日遂詣藏出家。身相黑色。故號黑凱。年十三。隨藏會稽住嘉祥寺。門人英達。無敢右之。尋移餘姚小龍泉寺。常講三論。大品等經。不畜衣鉢。不受供施。自僧而已。佛殿之後。忽生一池。便曰。只飲此池。可以終老。貞觀十九年。四方義學。請出嘉祥。求講三論。纔離龍泉。小池卽竭。凱聞歎曰。池竭。養亡。吾無反矣。講畢。忽依常。登座。手執如意。默然而逝。坐送大禹。廿七日。供養時。聞異香。

義褒

義褒姓薛氏晉陵人初從蕪州永定寺小明法師稟學華嚴大品專經強對當時稱為僧傑時婺州曠法師四經三論江表推高褒詣座下教揚義筵緣思披釋諸方俊銳將事別輪曠乃勉褒行傳燈禮褒從之傳經述論者餘三十年教迄五湖名馳三輔後住金華法幢寺弘道不倦日坐忘食詔徵同三藏玄奘法師翻諸經論慈恩闡創宏旨有空雙遣藥病齊亡乃有負氣肝衡者舉褒為提紐解決責以三關徵研五旬當時其彥預席者

莫不歎其疎拔之神奇。伏其辯洽之鈿利也。頃之駕往東都。別召追往。命於淨土講解經論。七衆載驅。英聲逾盛。不久遘疾。卒年僅五十有一。勅葬金華舊寺。賻贈之。榮光闕遠近。

惠明

惠明姓王氏。杭州人。出家遊道。迹無方所。時越州敏法師聚徒揚化。遠近景赴。明在法席。二十五年。衆侶千僧。解玄第一。持衣大布。炎凜不更。時目爲青布明。爲人翹勇果敢。策勤無偶。後至荊州四望山頭陀。見二虎交鬪。

自性分解。虎各弭耳而去。形止影俱。所去無戀。卽經所謂如鳥凌空者也。龍朔初。至京遊觀。凡交言論者。無不服其神解。不久旋反。云往曲江。依閑修道。竟莫測所終。

禮宗

禮宗姓宋氏。會稽人。道氣道壯。志求之微。願遂出塵。決除鞅絆。聞長壽和尚通達禪觀。往叩其開學習之心。未嘗少懈。長壽歎曰。汝之出塵。有大利益。可謂良玉度尺。雖有十仞之士。不能掩其光矣。乃奮襟擻華。注涅槃經。懷鉛握槧。周於二載。控銳解紛。怡然理順。遂成夾注。八

十卷卒年九十有七

印宗

印宗姓印氏，異人，從師出家，精涅槃大部，性朝春，謁忍大師，未契宗旨，後於廣州法性寺講涅槃經，遇六祖大師，言下薦機，始悟玄理，遂以能爲傳法，師嘗採自梁至唐諸方達者之言，著爲心要集，又纂百家諸儒士三教文意，表明佛法者，重結集之，手筆逾高，著述流布，至先天二年二月，於會稽妙喜寺示終，囑循輪王法葬之，世

壽八十有七

玄覺 玄策附

玄覺字明道，永嘉人，姓戴氏，精天台止觀圓妙法門，嘗與東陽玄策同詣曹溪。初到，振錫携甌，遶祖三匝，卓然而立。祖曰：夫沙門者，具三千威儀，八萬細行，大德自何方而來，生大我慢？覺曰：生死事大，無常迅速。祖曰：何不體取無生？了無速乎？覺曰：體卽無生了，本無速。祖曰：如是如是。於時大眾無不愕然。覺方具威儀，奉禮。湏臾告辭。祖曰：返太速乎？覺曰：本自非動，豈有速耶？祖曰：誰知非動？曰：仁者自生分別。祖曰：汝甚得無生之意。曰：無生。

豈有意耶。祖曰：無意。誰當分別？曰：分別亦非意。祖曰：善哉。善哉。少留一宿。時謂一宿覺。既回故處。學者輻輳。號真覺大師。著證道歌一首。及禪宗悟修圖旨。自漢之深。慶州刺史魏靖緝而序之。成十篇。目爲永壽集。盛行於世。先天二年。示寂。勸謹無相大師。落曰淨光。宏陳金華人。嘗游方。屆於河朔。有僧智隱者。曾謁黃梅。庵居習。自謂正受。策知隱所得未真。往問曰：汝坐於此。作甚麼。隱曰：人定策曰：汝言人定。有心耶。無心耶。若有心者。一切蠢動之類。皆應得定。若無心者。一切草木之流。亦合

得定曰我正入定時則不見存有無之心。策曰既不見有有無之心，卽是常定。何有出入？若有出入，則非大定。陸無語良久，問師。師曰：誰？策曰：我師。曹溪六祖曰：六祖以何爲禪定？策曰：我師云：妙湛圓寂，體用如如。五陰本空，六塵非有，不出不入，不定不亂。禪性無住，離住禪寂。禪性無生，離生禪想。心妙虛空，亦無虛空之量。陸始開悟。策後却歸金華大開法席。

慧忠

慧忠，諸暨人，姓冉氏，負得心印。居南陽白崖，影不出山。

者四十餘年肅宗重其道行召居西禪院事以師禮及
代宗臨御復迎止光宅精藍十有六載隨機說法時有
西天大耳三藏到京云得他心慧眼帝勅令與國師試
驗三藏纔見師便禮拜師問曰汝言得他言通耶卽令
汝道老僧在什麼處三藏曰和尚是一國之師何爲却
去西川看魏渡師再問汝道老僧卽今在什麼處曰程
尚是一國之師何得却在天津橋上看弄獬獬師第三
問還如前語三藏良久因知去處師叱曰這野狐精他
心通在什麼處三藏無對一日喚侍者侍者應諾如是

者三。師曰：將謂吾辜負汝，却是汝辜負吾。有僧問：若爲得成佛去？師曰：佛與衆生一時放却，當處解脫。問：作麼生得相應去？師云：善惡不思，自見佛性。問：若爲得證法身？師曰：越毘盧之境界，曰清淨法身。作麼生得？師曰：不着佛求。再問：那個是佛？曰：卽心是佛。曰：心有煩惱否？師曰：煩惱性自離。曰：豈不斷耶？師曰：斷煩惱者，卽名上乘。煩惱不生，各大涅槃。又曰：吾今答汝，窮劫不盡。言多去道遠矣。所以道說法有所得，斯則野干鳴。說法無所得，是名師子吼。大曆中，右脅長往，遷靈於黨子谷，建塔賜。

謚大證禪師

神邕

神邕字道恭，姓蔡氏，諸暨人。聰悟過人，年十二出家，住華寺。每覽孔釋二典，一過能誦。從玄徽師，通四分律鈔。又從左溪習天台止觀法。華玄疏覺網諸經秘捷，載盛觀性知空。至於歷夏，遂司南學者。乃振錫西遊，止於長安。公卿藉其風華，追慕者結轍而至。一聞玄著，無不獲德。著作草子，春高敏而瞻學，對之酬抗。子春折角，猶在

神邕神書舍人蕭咸著曰此神邕真胡康公神邕也

師子時人以爲知言。先是中岳道士吳筠造論數篇，斥毀釋教，昏蒙惑之。邕乃襲世尊之攝邪，見復寶琳之破魔文，爰據城墜以正制。任旗鼓纒臨，吳筠覆轍，遂著破倒翻迷論三卷。東南佛法再興，邕之力也。貞元間示疾而滅，報齡七十有九。僧夏五十。

智慧

智慧越人，形貌短小，神觀甚雋。初依徑山國一禪師受具。後叅大寂，發明心地。因爲大寂送書與忠國師。國師問曰：馬大師何以示衆？對曰：卽心卽佛。國師曰：此外更

有何言對曰非心非佛或曰不是心不是佛不是物國
師曰猶較些子慧曰馬大師卽恁麼未審和尚如何國
師曰三點如流水一曲似禾鎌慧後隱居伏牛山一日
謂衆曰卽心卽物是無病求病句非心非物是藥病對
治句僧問曰如何是脫酒句慧曰伏牛山下古今傳又
嘗自吟云宇內爲閒客人中作野僧任從他笑我有處
自騰騰

文綱

文綱姓孔氏會稽人十二出家冠年受具恭有辨檢口

無溢言尋詣京兆道成律師稟毘尼藏每登壇講律幾
若斷山或風雨宴居或晝夜獨行故能吉祥在手不捨
其瓶威德迎風不絕於氣八方來學讚歎者舉袂雲騰
發聲雷駭是以一時法主四朝帝師同迦葉之入城遇
匿王之說戒竹園林外別有沙彌單樹枝間廣聞鷄鳥
所以受潤者轉入見者深萬病已痊獲歡喜之藥一心
不染解煩惱之繩景龍二載中宗延入內道場於乾陵
宮爲內尼受戒先天初睿宗又於別殿請爲菩薩戒師
堯奉天上親聽法言王舍城中普聞淨戒賜絹三千餘

匹悉付常生隨事修營一經中書朕開元十五年怡然
長往世壽九十有二滑臺太穿北海李邕爲之碑記

道岸

道岸姓唐氏潁川人少業儒有才名忽奔去落髮受具
洗心訪道堅修律儀深入禪慧夜夢迦葉來爲導師朝
闕真經宛契冥際由是聲名籍甚推爲經行領袖後屢
會稽龍興寺揚越江淮緇素雲赴窺天挹海無不虛禮
實歸時號爲大和尚孝和皇帝召入內庭請爲菩薩戒
師親率六宮圍繞供養仍圖畫於林光宮御製幽讚曲

戒珠皎潔，慧流清淨，身局五篇，心融八定，學綜真典，觀
通實性，維持法務，綱統僧政，律藏冀今，傳芳象教，因乎
光盛，當時以麟閣丹青，未嘗有讚，岸之遭退，榮寵過之
尋辭還會稽，以開元五年，滅度於本山，初岸本文綱律
師高足也，以江表多行十誦律，因知四分，岸請帝，墨勅
執行南山律宗者，岸之力也。

玄儼

玄儼，姓徐氏，諸暨人，少出家，隸懸溜寺，弱冠從光州岸
師受具，後遊方徧，叅諸宿，俱蒙印可，由是道尊戒潔，名

勅京師安國授記並克大德尋還江左偏行四分因著
輔篇記十卷羯磨述章三篇初光州岸公嘗夢神僧謂
曰玄儼當爲法器云何教以小乘後乃命宣般若由是
研精覃思採摭舊學撰金剛義疏七卷多古德之所未
詳而獨發揮光明如指諸掌後住越州法華寺四方奉
仰者數若稻麻筭同竹葦宴坐不出幾三十年開元二
十四年帝親注金剛般若經詔頒天下普令宣講都督
河南元行冲請儼重光聖日遂令盲者見日月之光聾
者聞雷霆之響儼演暢之力居多道俗受法者殆出萬

人入境住持舉無與比。義學宗之，俱頂禮爲人天眼目。以天寶元年化盡而逝，窆於寺南泰山之下。高樹雙塔，光明踰於白雲，列植千松，秀色羅於明月。

德秀

德秀姓孫氏，富陽人。少棲梵宇，正護浮囊，匪定常師，留心律府。嘗哀鬼神乏食，每於中夜施其淨飯，浙浦飛走之倫亦餐法食。秀武林下，經行輒飛鳴環遶，後終於定山。頗多靈異，則天寶初載也。遷神入塔，天降舍利七顆。門人以甌盛之，瘞於塔下，或發之見秀齒，上生舍利，紛

紛而墜焜然五色後人還累斃以爲浮屠鄉人云恒有
白蛇蟠屈守護樵牧之童無敢近者

大光

大光姓唐氏安吉人持法華經其聲通於有頂肅宗乃
見拱立而歎曰昔夢吳僧口持大乘五光隨發音容宛
若甚慰朕心因賜名大光勅住千福寺清夜誦經遼遼
通於聖聽帝聞而異之以爲希有使中涓覘之見白光
滿室朗然若晝梵音方作光起面門如開毫相經聲向
息光亦隨歛尋歸吳興示寂於法華寺光一飯七十歲

納四十年歲無浣濯而成香鬱然具與刺史李紳撰
銘題云墨詔持經大德神異之碑

神智

神智義烏人姓力氏黃帝力牧之後少出家雲門寺年
十二一食斷中持大悲心咒應法登戒峻勵恪勤遊方
至於暨陽見其山水明秀歎曰營廷之魚潛於葭澤此
地亦吾之葭澤也遂結茆以居恒咒水盃以救百疾飲
之者立差士民敬仰日給無算皆號之曰大悲和尚

慧海

慧海越人初依大雲寺道智受業性忝馬祖祖問曰從何處來口大雲寺來祖曰來此擬何事曰求佛法祖曰自家寶藏不顧拋家散走我這裡一物也無求甚佛法海遂禮拜問曰那箇是慧海自家寶藏祖曰卽今問者是汝寶藏一切具足何假向外馳求海於言下大悟明日馬祖告衆曰越有大珠圓明光透無遮障處海遂作禮承事六年後以受業師老歸越奉養乃晦跡韜光外示癡訥一日有法師來謁曰擬伸一問師還對否海曰清潭月影任意撮摩曰如何是佛海曰清潭對面非佛

而誰又僧問和尚如何用功海曰飢來喫飯困來打眠
曰一切人總如是用功否海曰不同曰爲甚不同海曰
他喫時不肯喫百種須索睡時不肯睡千般較量所以
不同僧杜口無語海時閒居補衲忽僧謂曰將敗壞補
敗壞海曰何不道卽敗壞非敗壞其僧作禮而去

法海

法海字文允姓張氏吳興人少出家鶴林寺白駒匪食
其場苗金翅俄翔於海面曲從師教周覽羣經大壑納
川鄧林藜羽是以圓入一性學階空王擅當代獨悟之

名剖先賢不決之義。一時外學六籍皆通。嘗謂人曰。佛法一門。極唯心地。餘皆推輪也。天寶中。與揚州法慎律師講肆。同雲一室。一等推爲游夏。黑白二徒。多從求益云。

智威 慧威附

智威。縉雲人。姓蔣氏。穎脫塵蒙。心遊物表。聞天台宗教。遂從淮頂禪師。咨請心要。旣而得一融道體。二居宗定。慧方均寂。照相半。雖云自了。急在利他。天與多能。富有辭藻。嘗著桃岩寺碑。與頭陀寺碑。氣度相表。或云。威是

徐陵後身也。後以法服付門人慧威。慧威姓留氏。東陽人。總角之年。露其誓習。抉開愛網。徑入空門。不滯一方。仍恭三益。聞縉雲盛行禪法。裹足造焉。刻志忘勞。觀威稽奧。一日千里。罔不推稱。至有成業時。謂小威。

玄朗

玄朗姓傅氏。烏傷人。梁大士翁之六代孫也。九歲讀經。日過七紙。從天台慧威法師習止觀禪門。凡一宗之教。無不研其精義。復以觀音悲智爲事行良津。乃遊心十乘。諦冥三觀。獨居一室。三十餘秋。時有盲狗來伏朗前。

長。嗥。宛。轉。似。有。所。祈。明。則。然。燭。之。焚。香。禮。佛。爲。狗。儀。悔。
七。日。而。盲。狗。豁。然。天。寶。初。示。寂。而。終。報。齡。八。十。有。二。僧。
夏。六。十。有。一。朗。細。心。修。行。以。身。獨。律。一。鬱。多。羅。四。十。餘。
年。一。尼。師。壇。終。身。不。易。食。無。重。味。居。必。偏。厦。非。因。禮。佛。
未。嘗。輕。出。禪。關。一。步。凡。熏。其。戒。律。者。無。不。精。嚴。自。持。第。
其。傳。法。是。爲。五。祖。天。下。皆。號。之。曰。左。溪。

慧明

慧明。姓。陳。氏。蘭。陵。人。初。習。律。藏。嘗。語。人。曰。昔。者。繁。刑。首。
作。伯。成。子。道。焉。吾。雖。不。捨。律。儀。而。惡。乎。詳。論。紛。紛。若。心。

即心之法至矣哉乃西詣方巖蟻開心地止於魚陂道
場有大鰲來擾如撫家悅時鵠羣至欲至必號呼先
告往往有徵尋移止佛川泉側有具王古祠明爲神說
戒遂斷血脾神復捨祠爲寺肇基之日於祠下獲一銅
盆下有篆文慧明二字建中初示滅其日庭水春染山
雨畫冥猛虎繞垣悲嘯而去

子瑀

子瑀字真瑛姓沈氏德清人總角出家壞衣削髮煤良
世事於洛京大福先寺受具於是佩菩薩印燭如來燈

證聖中歸於大雲道場堅持律柄常禮一萬五千佛名兼慈悲懺日夜一匝忽夜有聖僧九人降於禮懺之所相與行道彈指而去或夜無燈燭心口自念圓光照室如坐月中天寶十一年秋禪坐而化明年啓龕茶毘容色不變如生雖少林孕髮斬春育髮何以過是當時聞見者莫不歎其希有也

乾峯

乾峯趙州人嘗與雲門相難箭鋒機對藥弓而笑有僧問涅槃門路以拄杖畫地曰在此

道光

道光姓褚氏。踰此出家。方冠。受具。詣光州和尚。學通毘
尼。夏。漢。德。崇。東。南。稱。爲。義。虎。雲。雨。慈。味。筮。鑄。道。聲。持。法。
華。三。昧。沒。身。不。怠。上。元。初。終。於。本。寺。世。壽。七。十。有。九。初。
先。歿。前。三。日。昧。爽。支。疾。疑。神。候。色。身。觀。彌。陀。具。相。現。在。
其。前。滿。庭。碧。花。昔。所。未。觀。四。日。質。明。忽。有。異。人。講。光。爲。
和。尚。遂。開。目。彈。指。曰。但。發。善。慧。心。至。五。日。曼。陀。羅。花。自。
天。而。雨。頃。臾。合。掌。端。坐。而。逝。

守直

守直字堅道錢唐人姓范氏初從支硎圓大師受具足
律儀是夜眼光現長一丈餘持久方滅練行三年受菩
薩戒傳楞伽心印講起信論南山律鈔各二百餘遍平
等一兩大小雙機在千羅音未嘗少異乃立願誦法華
經麥神人施珠一顆及覺寤然在握後住靈隱寺一日
忽語侍者曰夫至人乘如而來乘如而去示其必然也
爾且夫欲以長繩繫彼白日豈可得乎吾身落為輪豈
落久也無幾示滅世壽七十卷一

雲一姓張氏越人少聰雲門寺茂亮法師經論一聞
解法師奇之曰此佛子也遂削髮受記既而西遊長安
習毘尼藏學惟謙俱舍等論於是蓮花不染之義甘露
甚深之旨一傳慧炬了作梵雄後杖錫東歸一旨演法
凡講四分律總三十五篇江淮釋子受木叉者非一登
壇卽不爲得法天寶十四載浙江潮水南激錢唐大雲
伽藍正當湍悍因請一講律學徒千人咸發大願每正
念摩訶般若以止濤激五月晦日恍惚之間見一神人
衣冠甚偉自稱伍胥稽首謝曰蒙垂法施卽改波流未

遺旬日。灑沙五十里。遁俗驚歎。得未曾有。以大曆六年
遷化於寺之律院。報齡八十。僧臘六十一。

齊翰 知居所

齊翰字等至。吳興沈氏子。出家永定寺。後請住虎丘。翰
道性洞然。外則泱然。遠不近名。身不關事。長在一室。寂
如無人。禪門相部。義疏精敏。罕儔。明法華經。王蕪湖。戒
壇。每當請首。大曆十年。人流水合。佛道場。是夜。西方。金
中。頓現。卽以是年示滅。報齡六十。有八。初翰之遇疾也。
謂門弟子曰。有雀從空飛下。迴翔我前。必謝之期。小聖

猶病安能免哉。受業門人如隱與吳興皎然結法門。見弟之交。當時稱爲高潔。

辯秀

辯秀姓劉氏。稚齒出家。事靈隱謀禪師。便能問津。圖入道之意。所聞指訓。如涼風入懷。醒然清悟。天寶初。受戒於東海鑒真大師。傳律於會稽曇一。尋隸名於吳郡之開元寺。時詔天下二十五寺。各定大德七人。長講戒律。秀應其選。後於淨土一門。不愆於念。時時謂人曰。昔聞西方之行。是有相大乘。此乃蓬心不直。非達觀之說。夫

出言卽性發意皆如雨一色一香無非中道况我正念
乎秀登壇一十六番受度者數千百人秀孤制律樞正
持僧統建中初示疾而終世壽六十七法鵬二十五當
其逝日有庭樹一本枝葉扶疎朝花正敷而遽萎謝遷
龕於虎丘西寺松門之右

惟實

惟實富春人四歲不語父喪忽謂母曰生育德重願歸
佛國以報於是出家從本宗禪師密授微旨號曰微師
天寶中振錫大蓬山麓毒蛇猛獸俱爲馴伏尋徙香山

寺貞元二年坐逝建塔於寺巽隅葬焉咸通十四年久
有大異漆器五百事入寺曰微和尚於浙西勾線先遣
至此衆問其所在曰溪邊濯足衆趨而出惟見濡跡
徑直掘墳塔遺屐在傍遂啟塔視之僧坐如生髮鬚
長遂出而奉之

大義

大義衢州湏江人姓徐氏得法於懷讓禪師卓錫鷲嶺
隨機說法憲宗皇帝嘗詔入內於麟德殿講義有一志
師問如何是四諦義云聖上一帝三帝何在又問徂

無禪禪居色界此土憑何而立。義云法師只知欲禪無禪不知禪界無欲。法師曰如何是禪。義以手點空。法師無封。帝曰法師講無窮經論只這一點尚不奈何。義云舉順宗問尸利禪師大地衆生如何得見性成佛。尸利云佛性猶如水中月可見不可取。因謂帝曰佛性非見必見水中月如何覆取。帝乃問何者是佛性。義對曰不離陛下所問。帝默契真宗。蓋加欽重。元和十五年報謝。有十四勅。謚慧覺禪師。見性之塔。

明淨高密人少出家。味定爲業。後南游東越天台諸山。禪觀在懷。無緣世習。而衣服縷動止。適時。同侶禪徒。未之弘仰。山粒致絕。日至村中乞食。比還。忽值羣虎。皆張口閉目。若以飢告。淨曰。吾行山澤久矣。虎兕無心畏之。今羣列路傍。豈非爲食耶。乃以匙抄飯。以次納諸虎口。虎得食。皆垂尾而去。後每出乞食。輒飼羣虎。以爲常。貞觀三年大旱。詔下岳瀆諸祠。普令雪禱。淨應詔於莊嚴寺僧房禪默。至七日向曉。問守衛者曰。天之西北可有白虹否。對曰。有。淨曰。雨傾至矣。頃臾雨洽。遂以有年。

勛度三千僧。酬其淨德。尋還義勝寺。莫測所終。

齊安

齊安海門郡人。姓李氏。少依雲珠禪師落髮。後謁大寂。一見契機。乃命入室。示以正法。住鹽官鎮國海昌院。大鳴法鼓。聲馳四部。有講僧來參。安問座主。蘊何事業。對云。講華嚴經。安云。經中有幾種法界。對云。廣說則重重無盡。略說有。四種法界。安豎起拂子云。這個是第幾種法界。講僧沉吟。徐思其對。安云。思而知。慮而解。是鬼家活計。日下孤燈。果然失照。一日。謂衆曰。虛空爲鼓。須彌

爲推什麼人打得衆無對。後不疾。冥坐示滅。勅謚悟空禪師。

雪默

雪默。昆陵人。姓宣氏。從馬大師剃落。受具。初參石頭。一言便契。執侍巾屨者二十年。後入天台。住白沙。復居五洩。僧問何物大於天地。默云無人識得。伊僧云還可雕琢也。無默云汝試下手看。一日忽焚香端坐。示將入寂。僧問和尚向什麼處去。默曰無處去。僧曰某甲何不見。默曰非眼所覩。言畢。奄然順化。壽七十有二。鴈四十一。

法常

法常襄陽人姓鄭氏初參馬祖問如何是佛祖云卽心是佛師悟遂居於鄆之大梅山馬祖聞師住山乃令一僧到問云和尚見馬祖得個什麼便住此山師云馬師向我道卽心是佛我便向這裡住僧云馬師近日佛法又別師云作麼生別僧云近日又道非心非佛師云這老漢忒惑亂人未有了日任汝非心非佛我只管卽心卽佛其僧廻舉似馬祖祖曰大衆梅子熟了也忽一日謂其徒曰來莫可拒往草可追從容間復聞鼯鼠聲師

云。卽此物。非他物。汝等諸人。善護持之。吾今逝矣。言訖。示滅壽八十八。鵬六十有九。智覺禪師延壽讚曰。師初得道。卽心是佛。最後示徒。物非他物。窮萬法源。徹千聖骨。真化不移。何妨出沒。

智藏

智藏姓皮氏。廬陵人。少精律藏。諱名豫章。天官寺時。仰魚。然號爲律虎。每登法座。提唱毘尼。辨理析微。連環可解。貞元中。值大寂禪師。篤明心要。遂遊會稽。於杭鳥山頂。築小室安禪。乃著華嚴經妙義。宜吐壺壺學者。歸之。

以元和十四年無疾而終報齡七十有九

惟寬

惟寬衢州信安人姓祝氏年十三見殺生盡然不忍食乃求出家初習毘尼修止觀後參大寂乃得心要貞元初始行化於吳越間憲宗詔至闕下白居易嘗詣師問曰既曰禪師何以說法師曰無上菩提者被於身為律說於口爲法行於心爲禪應用者三其致一也譬如江河淮漢在處立名名雖不一水性無二律卽是法法不離禪云何於中妄起分別又問既無分別何以修心師

云心本無損傷云何要修理無論垢與淨一切勿起念
又問垢即不可念淨無念可乎師曰如人眼睛上一物
不可住金屑雖珍寶在眼亦爲病又問無修無念又何
異凡夫耶師曰凡夫無明二乘執着離此二病是曰真
修真修者不得動不得忘動則近執着忘即落無明此
爲心要有僧問道在何處師曰只在目前曰我何不見
師曰汝有我故是以不見曰我有我故即不見和尚見
否曰有汝有我展轉不見曰無我無汝還見否師曰無
我無汝阿誰求見元和十二年二月晦日登堂說法訖

就化勅證大徹禪師

藏真

藏真，衢州信安人。少詣長沙嶽麓寺，禮靈智禪師出家。後於武陵開元受戒，因聽律部語，同學曰：教門繁廣，宜扣總持，遂謁龍牙暢禪師，參請法要。龍牙曰：蘊吟不真，佛生非我子之正本，當復何名而從？誰得真一言領悟？

經有相違，曾昌沙汰。後於龍興廣揚道化，尋以無疾示。藏真壽八十有一，法鵬五十有六。

玄覽。姓褚氏。錢唐人。舒國公無量之弟也。生而懸解。深達實相。以崇善本。出家師承慧果。果一見器之。曰。江表無真僧。又矣。其以此子爲法鼓乎。後於臨平建刹。名曰華嚴。復以寺前平湖爲放生池。迂迴十里。一切鱗尾鱗甲之屬。無不噉啣。浮沉遂其生性。又鑄像寫經。追報王考。與兄無量晨昏說法。以娛其母。開元初示寂。終於所住。世壽八十有四。

稠錫

稠錫。桐廬人。唐開元間。卓錫南岳。庵前稱木自開。因號

稱錫和尚嘗下山未幾復歸庵衆僧不納一日偕二虎
至僧衆怖走稱錫曰勿怖止欲次去就耳吾果不能住
此庵虎當恣啖我如可再居遠吾身三匝虎繞行如數
衆懼請留集衆五百遂成大刹

惟則

智禪師附

惟則京兆人姓長孫氏六祖牛頭弟子後隱於天台瀑
布之西岩法席漸盛因名其岩曰佛窟一日示衆云天
地無物也我無物也然未嘗無物也斯則聖人如影百
年如夢孰爲生死哉至人以是獨照能爲萬物之主吾

轉之矣。汝等知之乎。有僧問如何是那羅延箭。則云守
隨下也。一月安坐。示滅壽八十。膺五十有人。法嗣爲雲
居禪師。

鑒宗 洪謹附

鑒宗。吳興長城人。姓錢氏。少依開元高閑出家。學通淨
名思益經。後謁瑄官悟空大師。決擇疑滯。遂止徑山。宣
揚禪教。有小師洪謹。以講論自矜。師謂之曰。佛祖正統。
豈截亡詮。汝等海涉。於理何益。但能莫存知見。泥絕性。
緣。離一切心。離法真性。謂開茫然。禮拜遊方。至嵩山。東

僧玄旨。師以嵐。通中示滿。證曰。第上大師。即徑山第二
證也。洪誼具與人。姓吳氏。年十九落髮。二十二受滿。是
律儀。因承鑒師之訓。三月。忘食。後得悟。為山遂繼。師
徑山第三祖。於法實。灣山之嗣也。光化中。白髮而化。

道悟

道悟。東陽人。姓張氏。於杭州竹林寺。受具。精修梵行。推
為身。種首。奉國一。服勤五年。載造為大師。重甲前。解法。
無異。說復叩石頭。一言頓悟。并初所得。豁然。永解。後住
天皇寺。學德。俄附。獨肩。擡。述。都人士女。嚮風。而至。石頭。

法席於斯爲盛。僧問：如何是玄妙之說？師曰：莫道我解佛法。僧曰：爭奈學人疑滯？何？師曰：何不問老僧？僧曰：問了也。師曰：去。不是汝存泊處。元和中，示疾。薨，召與座。與座近前，師曰：會麼？對曰：不會。師乃拈梳子拋於地上，卽便入滅。壽六十，臘三十有五。

法相

法相，姓俞氏，長水人。七歲投師受經，三泐旬誦，通法華全部。弱冠游長安，習毘尼道。諸部同異，無不該綜。業成東返，於開元寺置壇說戒。每有異鳥棲於座側，馳斥不

去講畢而後翻然入雲會昌中忽告弟子曰吾嘗滅矣
儼然累足右脇而逝時衆晝聞天樂夕觀異光建塔於
來穰鄉之原却後五十餘年義州刺史曹信大理司直
吳方修塔發之見相遺骨若銅色勾鈺不解舌相不壞
如芙蓉花齒全四十二香湯浴之重葬焉

三平和尚

三平和尚。處之麗水人。少出家。受具戒。持律精猛。人天
共仰。築精舍於南明山。是爲大安。嘗乘虎至溪津。叱虎
還。徒步入城。比晚。虎出候於溪。載還山。以爲常。

少康

少康，籍雲仙都人。母夢至西湖峯，見玉女手持青蓮花，授之曰：此花吉祥，寄汝。已而有娠，迨生，青光滿室，香若芙蓉。七歲未言，母抱入靈山寺，瞻禮佛像。康忽唱言曰：釋迦佛聞者異之。十五歲出家，從學諸方。貞元中，至長安，求見留善導和尚真像，像化爲佛身。謂康曰：汝依吾行法，化導衆生，同歸安養，名爲善導。康如所證，南至江陵果願寺，遇一僧，謂曰：汝化緣在睦州。言訖不見。康因至睦州，日乞食城中，得錢誘小兒，誦阿彌陀佛一聲，遣

一錢卽高峯巔。建淨土道場。集衆齊聲念阿彌陀佛。康
獨聲高。見佛從口出。連誦其出。若聯珠。坐逝之夕。有光
燭烏龍山。山變爲白色。宋元符二年。賜號曰廣道大師。
天然

天然不知何許人。初習儒學。將入長安。應舉。宿於逆旅。
忽夢白光滿室。占者以爲解空之祥。遂往叅馬祖。纔見。
以手托幞頭額。祖熟視良久。曰。南嶽石頭汝師也。還抵
南嶽。仍以前意投之。石頭以爲法器。親爲雉落。又爲說
戒法。師乃掩耳而出。便往江西。再謁馬祖。未叅禮。便入

僧堂內騎聖僧頭而坐時大眾驚愕遽報馬祖馬躬入
堂視之曰我子天然師卽下地禮拜曰謝師賜法號因
名天然馬祖問從什麼處來師云石頭馬云石頭路滑
還躑倒汝麼師曰若躑倒卽不來乃杖錫觀方居天台
華頂峯三年往徑山禮國一禪師尋至龍門香山與伏
牛爲莫逆交後於慧林寺遇天大寒師取水佛焚之人
或謂之師曰燒取舍利人曰木頭何有師曰若爾者何
爲謂我一日往南陽謁忠國師見便展坐具國師云不
用不用師退步國師云如是如是師却進前國師云不

是不是師建國師一匪便出國師云去聖時遙人多懈怠三十年後覓此漢也還難得師後向南陽丹霞山結茆以居學徒雲集三年間遂構成大院長慶四年六月忽告門人曰備湯沐吾欲行矣乃戴笠策杖授屨垂一足未及地而化壽八十有六勅謚智通禪師

文舉

文舉姓張氏東陽人十九落髮始墜息慈以四分律爲學晝夜翹勤遂登講座大通法華義疏得智者之膏腴舉身量六尺其形如山目不迴視口無戲言四威儀中

無非律範。丹丘二衆仰爲繩準。其奔走聽受者與佛窟。則公禪道並馳而爭先也。尋勅爲國清寺大德。會昌二年五月化去。報齡八十有三。僧臘五十有五。

道遵

道遵字宗達。姓張氏。吳興人。初從天竺威律師受具戒。首宗見尼傳教。後學天台一心三觀法門。臨壇度人。徒盈石室之籌。天寶中於靈巖道場行法華三昧。忽覩大明上燭於天。我身正念儼在光中。異日問荆溪禪師曰。此智慧光明。從心流出也。又於支硎山入法華道場觀。

此身在虛空中坐先師者知是滿垢之相無何以無疾
示滅報齡七十有一僧夏四十有六

豐干

豐干不知何許人居天台山國清寺剪髮齊眉布裘擁
贊人問佛理止答以隨時二字樂獨春穀後同城且應
赴齋然木畔動痒常誦唱道歌乘虎直入松門泉僧驚
畏寺厨中有二苦行曰寒山拾得終日晤語聽者不解
時以風狂目之獨與豐干相親一日寒山問古鏡不磨
時如何獨照豐干曰冰壺無影像猿猴探水月曰此是

不照燭也。請師更道。豐子曰：萬德不將來教我道什麼？
寒拾俱禮拜。豐子尋入五臺山。巡禮路逢一老翁。問莫
是文殊否。曰：豈可有二文殊。豐子作禮未起。忽然不見。
至五臺經數年。後回天台。山示寂。

寒山子

寒山子本無氏族。嘗居始豐縣寒岩中。遂名寒山子。容
貌枯瘁。布襦零落。以樺皮爲冠。曳大木屐。時來國清寺。
就捨得取。泉僧殘食。兼滓食之。或時徐行廊下。或時叫
噪。望空慢罵。寺僧以杖逼逐。拊掌大笑而去。一日豐子

謂之曰汝與我遊五臺卽我同流若不與我去非我同流曰我不去豐干曰不是我同流寒山因問曰汝去做甚麼豐干曰我去禮文殊曰汝却不是我同流初間丘獵出牧丹丘來謁豐干乞示安危之兆豐干曰到任記謁文殊普賢曰此二菩薩何在豐干曰因清寺執爨者寒山拾得是也間丘拜辭乃行尋至山寺訪之見二人圍爐語笑間丘不覺致拜二人連聲咄叱復執間丘手笑而言曰豐干饒舌彌陀不識禮我何爲遂相携出松門自是不復入寺間丘又至寒岩禮謁二人高聲喝之

曰賊賊便縮身入岩石縫中。唯曰汝諸人各各努力。其石縫忽然而合。杳無蹤跡。問丘哀慕不已。令其徒道翹檢其遺物。惟有木葉書詞數十首而已。

拾得

拾得不知所自。豐干經行。聞兒啼聲。遂尋之。見一子。可數歲。携至國清寺。付典座僧養之。因名拾得。稍長。令知食堂。香燈。忽一日。輒登座。與佛對盤而食。復呼陳慳。如曰。小果聲聞。倘若無人。執箸大笑。典座僧忿然。罷其堂任。令厨內滌器。洗濯纒畢。澄濾食滓。以筒盛之。寒山來。

必負之而去。一日掃地寺主問曰汝名拾得畢竟姓箇甚麼住在何處拾得放下掃帚叉手而立寺主因測寒山槌胸云蒼天蒼天拾得却問汝作甚麼曰豈不見東家。人。死。西。家。助。哭。二。人。作。舞。大。笑。而。出。每。日。僧。厨。下。食。爲烏鳥所啄拾得以杖杖護法伽藍曰汝食不能護安能護伽藍乎是夕神見夢合寺僧曰拾得打我詰旦衆僧說夢符同一寺駭異始知非常人也特牒申州縣郡符下云賢士隱遁菩薩應身宜用旌之號拾得爲賢士復竟隱名而逝。

荳蒱

靈祐初作沙彌，受具龍興寺。自福唐至國清，求戒時寒，山拾得掃松，迎送臨行。寒山送之云：千山萬水遇禪，卽止。遂往泐潭，領旨百丈。應司馬頭陀之議，居大瀉山，橡果克飢，遂與爲仰一宗。

道欽

道欽，姓朱氏，崑山人。弱冠服膺儒教，玄素禪師一見以爲法寶。欽因求爲弟子，素躬與落髮，因戒之曰：汝乘流而行，蓬徑卽止。欽遂南行，抵臨安，見東北一山，因訪於

樵子曰此徑山也乃駐錫焉馬祖令門人智藏來問十
二時中以何爲境欽曰待汝迴去時有信藏曰如今便
迴去欽曰傳語却須問取曹溪大曆三年詔至闕下代
宗親加贈禮一日欽在內庭見帝起立帝曰師何以起
欽曰檀越何得向四威儀中見貧道帝悅賜號國一禪
師頃之歸山說法而逝世壽七十有九勅謚曰大覺

圓修

圓修富陽人母夢日光人孕因而有孕及誕異香滿室
遂名香光九歲出家受名圓修二十受戒於荊州果願

寺一日游至孤山永福寺有辟支佛塔時道俗共爲法會師振錫而人有韜光法師問曰此之法會何以作聲師曰無聲誰知是會後見秦望山有高松萬蘿繁密盤屈如蓋遂棲止其上時人稱爲鳥窠禪師元和中白居易出守茲土入山禮謁乃問曰禪師住處甚險師曰太守住處尤險白曰弟子位鎮江山何險之有師曰薪火相煎識性不停得非險乎又問如何是佛法大意師曰諸惡莫作衆善奉行白曰三歲孩子也解甚麼道師曰三歲孩子道得八十老翁行不得白遂作禮長慶四年

忽告衆曰。吾今報盡言訖坐亡。

如訥

如訥未詳其何許人。目有重瞳。垂手過膝。自翠微得法。乃止於道場山。薙草卓庵。學徒四至。遂成禪苑。廣闡法化。僧問如何是教意。師曰。汝是看僧禮拜。師曰。明月鋪霄漢。山川勢自分。問如何是得聞性不隨緣去。師曰。汝聽看僧禮拜。師曰。聾人也。唱胡笳調好。惡高低。自不聞。僧曰。恁麼卽聞性宛然也。師曰。石從空裡立。火向水中焚。問虛空還有邊際否。師曰。汝也太多知。僧禮拜。師曰。

三尺杖頭挑日月，一塵飛起任遮天。一日上堂說法竟，
谷寧端坐而違。所遺壞衲王事及開山柱杖，今在影堂
中。

良价

良价會稽人，姓俞氏。從五渡縣禪師剃落，具戒遊方。首
謁南泉，值馬祖諱日。修齋次，南泉問衆曰：「明日設馬祖
齋，未審馬祖還來否？」衆皆無對。价出對曰：「待有伴，即來。」
南泉聞已，讚曰：「此子雖後生，甚堪雕琢。」師曰：「和尚莫壓
良爲賤。」大叅馮山，問曰：「頃聞忠國師有無情說法，良价

未究其微。鴻山曰：我這裡也有，只是難得其人。曰：便請師道。鴻山曰：父母所生口，終不敢道。曰：還有與師同時慕道者否？鴻山曰：此去石室相連，有雲岩道人，若能撥草瞻風，必爲予之所重。既到雲岩，問無情說法，什麼人得聞？雲岩曰：無情說法，無情得聞。侬曰：和尚聞否？雲岩曰：我若聞，汝卽不得聞；吾說法也。曰：若恁麼，卽良侬不聞。和尚說法也。雲岩曰：今我說汝尚不聞，何況無情說法也？侬乃呈偈云：也太奇也，大衆無情解說，不問誰將耳聽。聲不現，眼處聞聲方得知。遊辭雲岩，便鶴涉。

後因過水觀影大悟前旨遂盛化高安之洞山因爲雲
岩諱日營齋僧問和尚初見南泉發迹爲什麼與雲岩
設齋師曰我不重先師道德亦不爲佛法只重不爲我
說破僧問和尚爲先師設齋還肯先師也無師曰半肯
半不肯曰爲什麼不全肯師曰若全肯卽辜負先師也
師有時云體得佛向上事方有些子語話分僧便問如
何是語話師曰語話時聞不聞曰和尚還得聞否師
曰待我不語話時卽聞僧問如何是正問正答師曰不
從口裡道曰若有人問師還答否師曰也未問問如何

是從門入者非寶。師曰：便休便休。僧問師：尋常教學人，行鳥道未審如何？是鳥道？師曰：不逢一人。曰：如何？行師曰：直湏足下無絲去。曰：只如行鳥道，莫便是本來面目？否？師曰：聞黎因什麼顛倒？曰：什麼處？是學人顛倒？師曰：若不顛倒，因什麼認奴作郎？曰：如何？是本來面目？師曰：不行鳥道。師將圓寂，謂衆曰：吾有開名在世，誰爲吾除？衆皆無對。時沙彌出曰：請和尚法號。師曰：吾名已謝。咸通十年三月，命剃髮披衣，令擊鍾，儼然坐化。勅謚悟本。

大師

法明

法明不知何許人。落魄嗜酒。佯狂不羈。終日大醉。善唱柳詞。人以醉和尚稱之。明日。我醉且醒。君醉奈何。混俗和光。然實不染一塵也。一日居靈隱寺中。忽謂衆曰。吾嘗行矣。乃書一偈云。平生醉裏顛。醉裏却有分別。今朝酒醒歸何處。楊柳岸。曉風殘月。擲筆而逝。

湛然

湛然姓戚氏。常州人。家本儒墨。獨有遁俗之思。嘗夢披僧衣。披二輪游於大河。議者以爲當以止觀二法度羣。

生於生死淵中也。遂以居士服受左溪朗公天台教法。天寶初始解縫掖而登僧籍。久之朗公捐代。然乃大啓上法。旁羅萬行。盡攝諸相。入於無間。卽文字以達觀導。語。然以還源乃祖述所傳章句。凡十數萬言。心度諸禪。身不踰矩。三學俱熾。羣疑日潰。求珠問影之類。稍見罔象之功。行止觀之盛。始然之力也。天寶大曆間。詔書連徵。群疾不就。建中初。示病佛隴道場。說法隱几。泊如而化。號曰天台教主。建塔附於智大師之原。

船子和尚

船子和尚名德誠初叅澧州藥山弘道儼師儼師曰子
後上無片瓦下無錐地大闡吾宗與道吾雲岩二人爲
道契自離藥山乘小舟往來松江朱涇以綸釣舞棹隨
緣而度號船子和尚夾山善會初叅石樓住京口鶴林
寺道吾過之知其所得尚淺令叅船子會至朱涇見誠
大契宗旨辭行回顧再四誠喚回會立起橈曰汝將謂
別有處邪迺覆舟入水而逝

船光

船光蜀人長慶初辭師出遊師囑之曰遇天可前逢巢

則止。後至錢塘遊靈隱山，巢枸塢。時白樂天守郡，悟曰：此吾師之命我也。遂結庵以居，樂天聞之，遂與爲友。題其堂曰法安，嘗以詩招之入城，韜光不赴。裁詩報之，有明月難教下碧天之句，真本色住山人。

會通

會通杭人，姓吳氏，初名元卿。德宗朝爲六官使，方春韶，花卉盛發，翫賞移時，因感悟，自是忽忽不樂。帝恠而問其故，以願從釋對，遂放歸。見韜光，光令見烏窠，烏窠爲視髮，服勤數年，未蒙印授。一日告辭，烏窠曰：汝何往？曰：

諸方學佛法去。曰：若是佛法，吾此間亦有少許。曰：如何？
是佛法，鳥窠於身上拈起布毛吹之，通卽豁悟，不復他
行。世號布毛侍者。

景欣

景欣，仙遊人。本白雲山受業，得石霜開示而止。丹丘湧
泉之蘭若，一日欣不披袈裟喫飯，有僧問：莫成俗否？欣
曰：卽今豈是僧耶？有彊德二禪客到於路次，見欣騎牛，
不識欣，乃曰：蹄角甚分明，爭奈騎者不識。欣驟牛而去。
二禪客憇於樹下煎茶，欣避下牛，近前不審，與坐喫茶。

欣問曰：二禪客近離什麼處？曰：離那邊。欣曰：那邊事作麼生？彼提起茶盞。欣曰：此猶是這邊。那邊事作麼生？二人無對。欣曰：莫道騎者不識好，後卒於所住。

圓澤

圓澤，惠林寺僧，與居士李源友善，相約游蜀中峨眉、山源，欲自荆州沂峽，澤欲取長安斜谷路。源不可，曰：吾已絕世事，豈可復道京師哉？澤默然久之，曰：行止固不由人，遂自荆州舟次南浦，見嬾人錦襦負笈而汲。圓澤曰：此吾託身之所也。源驚問之，澤曰：嬾人姓王氏，吾當爲

之子孕三歲矣。吾不來，故不得乳。今既見，無可逃者。公
嘗以符咒助我速生。三日浴兒時，公臨視我，以笑爲信。
後十三年中秋月夜，當與公相見於杭州天竺寺。源悲
悔，爲具沐浴易服。至暮，澤亡而嬾乳。三日往視之，見
源果笑。源遂不果入蜀，反居惠林。後十三年，自洛適杭
州，赴其約。至則聞葛洪川畔有牧童，菱髻騎牛歌竹枝。
隔水呼源覲之，乃國澤也。歌曰：三生石上舊精魂，賞月
臨風不妄論。慚愧情人遠相訪，此身雖異性常存。源問
澤公健否，答曰：李公真信士，俗緣未盡慎勿相近。願勤

修之又歌曰。身。前。身。後。事。茫。茫。欲。話。因。緣。恐。斷。腸。具。越。山。川。尋。已。遍。却。回。烟。棹。上。瞿。塘。遂。吹。笛。入。烟。霞。而。去。三。生。石。今。在。天。竺。寺。後。

道幽

道幽不知何許人。於洞山得法。止台州幽棲蘭若。四方義學。叩關請決者。常數百人。僧問如何是佛。幽曰。汝不信。是衆生曰。學人大信。幽曰。若作勝解。卽受羣邪。幽將示寂。有僧問曰。和尚百年後。向什麼處去。幽曰。調然調然。言訖坐化。

文邃

文邃福州人少依大慈寰中禪師受業時巖頭雪峯在衆視師陞論知是法器相率遊方後於洞山言下發解乃爲洞山之嗣止於欽山對大衆前自省過舉云離師太早不盡師意僧問如何是祖師西來意邃曰梁公曲尺誌公剪刀僧忝邃豎起拳頭云若開成掌卽五指忝差如今爲拳必無高下汝道欽山通商量不通商量其僧近前亦豎一拳邃曰便恁麼只是個無開口漢僧云未審和尚如何接人邃曰我若接人共汝一般去也僧

去特參於師也。須吐露。遠曰：汝若特來，我須吐露。僧云：便請師乃打之。其僧無語。遠曰：守株待兔，枉用精神，便下座。

惠符

惠符，姓威氏，諸暨人。弱冠，勇氣逼人，角力馳逐，無有及者。忽厭俗，出家於香岩寺。矯迹柔心，淳淑頓變，納法之後，練行孤標。每夜沿山，據草坐安禪，不動。後結茆霍山頂上，研尋經論，忽見巨蛇，張口當前，毒火熾然。符徐語之曰：汝尋宿債，吾可噬也。不然，洗心定意，當來受戒。斯

須臾按曉變而去。果化人形來求出家符爲之落髮披
衣受戒。禮辭而退。後被告符私度符具以實對。吏知其
非常而縱之。後符凡見瘡癩膿流蛇皆爲吮之立瘥。至
開元中無疾而卒。茶毘之日見骨節相連如鈎鎖云。

神暄

神暄姓留氏建州人出家。葵之開元寺誦七佛俱胝神
咒。晨昏無間。務任金華山北洞百家岩石穴中不構庵
室。作露地頭陀。有神人吐紫色雲氣而高覆之。還望亭
亭如華蓋然。其神人時來問道。復導往赤松洞之東峯。

安禪數載。神人一日問曰。歸後何須。曰。吾在此山之陰。苦於凜冽。神曰。此小事耳。至夜聞喧闐之聲。明旦一小峯移去。

玄宗

玄宗永嘉人。少出家。志求度脫。詣江陵朗禪師。決了疑貳。還至紫金山。結菴以居。山先多虎。從宗卓錫。哮闐絕跡。一日見一老父。趨前作禮。宗問何人。答云。弟子此山虎神也。自從師化。得脫業軀。已生天道。故來報謝耳。言訖不見。宗以大曆二年坐逝。

元慧

元慧姓陸氏平原內史機之裔孫髫齡穎悟長而溫潤
長作枯龜思爲瘦雁遂辭親出家空王寺受具初習毘
尼後住嘉禾之建興持三白法諷誦五部曼拏羅咸通
中隨送佛中指骨舍利往鳳翔重真寺慧於佛前鍊左
拇指以爲供養口誦法華不輟火盡灰飛色無撓沮其
指不踰月復生如故說者謂鍊指復生與火中蓮花同
種而異態也未幾示寂建塔於吳會之間爲三白和尚

崇惠

崇惠昌化玉山鄉人。童真修行。至徑山禮國一欽禪師。乞度爲沙彌。云我誦俱胝觀音咒。功力無比。欽爲落髮授衣。示名崇惠。俄有神白惠曰。師持佛頂少結莎訶。令審語不闕。沙訶者成就義也。今京室佛法爲外道凌轢。

危若綴旒。待師解救。惠乃趨程西上。時大曆三年。太清官道士史華上奏。請與釋宗當代名流角佛。乃直法勝。負以代宗欽向空門。異道憤其偏重。故有是言。遂於東明觀壇前架刀成佛。史華登躡如常。證道時。適在至道。願望推排。無敢躡者。惠奏請於章信寺庭樹梯。來登。

月若霜雪然增高百尺惠徒跣登級下層有如坦路復
踏烈火手探沸油仍餐鐵葉號爲飢飢史華懼慙慙
掩袂而退時衆彈指嗟歎聲若雷響帝遣中官宣慰賜
紫方袍一副號曰護國三藏禪師

允文

允文字執經姓朱氏嘉禾人九歲出家師授維摩法華
二經再稔皆通高達者謂之重理或戲問之曰爾出家
擬管何業率然對曰嘗陟蓮花臺作師子吼耳十六削
頂接嵩山論壇大德遠和尚獲無邊作法仍就中夏攻

相部律宗、并中觀論、補衣分衛寒煖、四周既叩、義方旋入師室、玄樞律範、尤見精微、後止越之嘉祥寺、敷其經律、戢約聽徒、頗爲嚴毅、聞其警策者、往往涕泗交橫、悛心、率行、中和二年、示疾化去、世壽七十有八。

慧聞

慧聞、衢州人、常勸人以檀波爲第一、嘗於龍游、澁江、鑄丈八金身像、有清溪夫嬾二人、將一大鑑來、捨、聞爲誓、祝之曰、此鑑鼓鑄、若富佛心前者、乃是夫婦發心之至、追服模顯像、果然鑑當佛心、又嘗往豫章、勸化得黃金。

數盜路遇賊劫聞遂投金水中曰慮損諸君福因請自
撈取賊衆人水求之不得及聞還州金冥然已在其室
時山路虎聞或逢之以杖叩其腦曰汝勿害人吾造功
德何不入緣明日虎啣一野蕪投闥前弭耳而去

澄觀

澄觀山陰人住寶林寺將誕華嚴義疏於夢寐之間見
一金人以手抱之嚙嚼都盡自喜爲吞納光明徧照之
微及疏成二十軸堂前池中開合歡蓮花五枝一花皆
有三節後於中條山棲岩寺住寺先有禪客拳眉剪髮

字曰痴人、被短褐、雜語、凡所指斥、皆多應驗、觀未至之前、忽驅眾僧洒掃、曰、不久菩薩當至、德宗嘗召至京師、命譯烏荼國所進華嚴經、賜號清涼國師。

一行

一行、鉅鹿人性、彊記、讀經文不再過、初事普寂禪師、精大衍數、嘗至天台國清寺、見門前有流水、一行立於門屏間、聞院中僧於庭布筭、既而謂其徒曰、今日當有弟子求吾算法、已合到門、豈無導達耶、即除一筭、又謂曰、門前水合却西流、弟子當至、一行承言而入、稽首請法。

畫授其術而門水仍復東流自此一行之名震於遐邇
玄宗召對無恒占其災福若指於掌言多裨益邢和璞
嘗謂尹惜曰一行其聖人乎漢洛下閎造大衍曆云後
八百歲當差一日則有聖人定之今年期畢矣而一行
造大衍曆正其差謬則洛下閎之言信矣帝嘗問國祚
幾何有留難否行曰鑿與有萬里之行社稷終吉帝驚
問其故不答退以小金合進之題曰至萬里卽開帝一
日發合視之蓋當歸少許及祿山亂駕幸成都至萬里
橋忽悟未幾果歸昭宗初封吉王唐至昭宗而亡故云

終吉至開元末滅度年四十有五帝哭之甚哀輟朝三日親製文書於石出內庫錢五十萬建塔銅人原謚曰大慧禪師

兩浙名賢外錄卷之四終